

Limba napulitana

Su **napulitànu** (*napulitano*) est un'idioma romanzu chi, paris chin s'italianu, faveddan in tottu s'Italia de zòssu, in Campania, Basilicata, Calabria de sùsu, Abrutzu, Molise, Puglia e sa parte de Latziu chi est a làcana chin sa Campania: ovverosiàt, tottus sas terras chi tando fachian parte de su Regnu de sas Duas Sitzìlias in sa banda de su faru de Messina, in ube sa limba natzionale fit appuntu su napulitanu, mèntras chi prus a zosso bi fit su sitzilianu.

In su seculu de XVI re Ferdinando su Cattolicu àiat impostu su castiglianu che nova limba uffitziale e su napolitanu, a libellu amministrativu, toppicabat in sos uffizios de dipromatzia e in sos funtzionarios prùbicos: su cardinale Girolamo Seripando, in su 1554, àiat isseperàu de che bocare su napulitanu foras dae cùghe puru, ponèndechè su toscanu. Pro seculos su napulitanu est istau unu ponte tra su mundu classicu e cussu modernu, isparginànde sa moda de s'«*amor cortese*» in sa poesia otzidentale, su tragicomicu (*Vaiasseide*, *Pulcinella*); in prus, in napulitanu b'an iscrittu pro sa prima bìa sos contos prus connottos de sa curtura europea moderna e premoderna, comente *Chisinèddula* e sa *Bella Addormentada*. Oje su napulitanu si connoschet pèri tottu su mundu pro sas cantones folkloricas chi li ziran a tundu.

Naturalmente su veru napuletanu est faveddau in Napoli, ispetzialmente in sos riones populares de Napoli. Sa limba napulitana tenet una litteradura importante in prosa, su teatru de Eduardo De Filippo, in poesia, de Totò e ateros, e in sa cantone dae su 1600 a oje, connotta in tottube.

Bogadu dae "https://sc.wikipedia.org/w/index.php?title=Limba_napulitana&oldid=143616"

Ùrtima modìfica su 26 Trì 2015, a is 11:56.

Su testu est disponìbile segundu sa litzèntzia Atributzione Creative Commons-Cumpartzi a sa pròpria manera; si podent aplicare prus cunditziones galu. Abbàida is cunditziones de impreu pro is particulares.



Articulu in nugoresu



Isparghidura